

**ХФР**

1918-yil  
21-iyundan chiqqan  
boshlagan

№34, 2022-yil  
24-avgust,  
chorshanba (32.728)

# O'zbekiston OVOZI

Ijtimoiy-siyosiy gazeta

*Barchaga g'amxo'rlik — davlatning burchi*

## ЎЗБЕКИСТОН ВА ОЗАРБАЙЖОН ПРЕЗИДЕНТЛАРИ ЭРИШИЛГАН КЕЛИШУВЛАРНИ АМАЛГА ОШИРИШДА СЕЗИЛАРЛИ ЮТУҚЛАРНИ ҚАЙД ЭТДИЛАР

Ўзбекистон Республикаси Президенти Шавкат Мирзиёев 23 август кuni Озарбайжон Республикаси Президенти Илҳом Алиев билан телефон орқали мулоқот қилди.

Икки мамлакат ўртасидаги ўзаро манфаатли ҳамкорликни янада ривожлантириш ва стратегик шериклик муносабатларини мустаҳкамлаш масалалари кўриб чиқилди.

Жорий йил июнь ойида ўтказилган олий даражадаги учрашувлар якунида эришилган келишувларни амалга оширишдаги сезиларли ютуқлар мамнуният билан қайд этилди.

Август ойи бошида қўшма Ҳукуматлараро комиссиянинг навбатдаги йиғилиши ҳамда Ўзбекистон, Озарбайжон ва Туркия ташқи ишлар, транспорт ва савдо вазирларининг биринчи учрашуви самарали ўтказилди.

Жорий йилда ўзаро товар айирбошлаш 70 фоизга ошди. Қишлоқ хўжалиги, ипакчилик ва тўқимачилик саноати, машинасозлик, кимё ва бошқа тармоқларда қўшма кооперация лойиҳаларини амалга ошириш бошланди. Ўзбекистон – Озарбайжон инвестиция фондини тез фурсатда ишга тушириш ишлари олиб борилмоқда. Маданий-гуманитар алмашинув кенгаймоқда.

Давлат раҳбарлари амалий ҳамкорликни янада ривожлантириш лозим эканини таъкидладилар. Шу маънода, келгуси кузда икки мамлакат ҳудудлари форуми ва саноат салоҳияти кўرғазмасини ўтказиш муҳимлиги қайд этилди.

Минтақавий кун тартиби юзасидан ҳам фикр алмашилди. Бўлажак кўп томонлама учрашувлар, шу жумладан, Самарқанд шаҳридаги Шанхай ҳамкорлик ташкилоти ва Туркий давлатлар ташкилоти саммитларининг режаси ва кун тартиби кўриб чиқилди.

Ўзбекистон ва Озарбайжон Президентларининг телефон орқали мулоқоти ҳар доимгидек очик, самимий ва дўстона руҳда ўтди.

ЎЗА

### ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ МАМЛАКАТИМИЗ ТАДБИРКОРЛАРИ БИЛАН ОЧИҚ МУЛОҚОТ ШАКЛИДАГИ УЧРАШУВДА СЎЗЛАГАН НУТҚИДАН

• 2023 йил 1 январдан бошлаб микро бизнес учун айланмадан олинадиган солиқнинг амалдаги 4 фоиздан 25 фоизгача бўлган ставкалари ўрнига ягона 4 фоизли солиқ ставкаси жорий этилади. Бунда олис ҳудудлардаги ва алоҳида тоифадаги тадбиркорлар учун амалдаги 1 ва 2 фоизли ставкалар сақлаб қолинади. Ёки улар ихтиёрий равишда йилга 20-30 миллион сўм тўласа, бухгалтерия ҳисобини юритиш ва солиқ идораларига тақдим этиш мажбуриятдан озод этилади.

## ЯНГИ САМАРҚАНД: ВОҚЕЛИККА АЙЛАНГАН ОРЗУ

Ўзбекистон Республикаси Президенти Шавкат Мирзиёевнинг Самарқанд шаҳрида “Буюк ипак йўли” халқаро туризм марказининг очилишига бағишланган тантанали маросимдаги нутқи

Ассалому алайкум, ҳурматли Самарқанд аҳли!

Мухтарам меҳмонлар!

Бугун сиз, азизлар билан, барчамиз учун қадрли бўлган Самарқанднинг янги қиёфасини белгилаб берадиган мухташам мажмуа – “Буюк ипак йўли” халқаро туризм марказининг тантанали очилиш маросимида учрашиб турганимдан хурсандман.

Халқимизнинг ақл-заковати ва фидокорона меҳнати билан бунёд этилган ушбу мажмуа Янги Ўзбекистонни барпо этиш йўлидаги яна бир салмоқли, зафарли натижа бўлди, десак, айна ҳақиқатни айтган бўламиз.

Қадимий ва навқирон Самарқанд бағрида қад ростлаган мана шундай замонавий, улғувор меъморий мажмуа барчамизга, бутун халқимизга муборак бўлсин, буюрсин!

Азиз юртдошлар!

Ҳаммамизга яхши маълум, Самарқанд – миллий

давлатчилигимиз ва умуман, жаҳон цивилизацияси тарихида элтирган ҳолда, Самарқанднинг даврининг юзга келиши ва ривожига муҳим роль ўйнаган.

Буюк Амир Темур бобомиз ўзи барпо этган қудратли салтанат учун айнан Самарқанд шаҳрини пойтахт этиб белгиллагани ҳам албатта бежиз эмас.

Ушбу заминда шаклланган қутлугъ анъаналарни изчил давом эттирган ҳолда, Самарқанднинг қадимий шухратини тиклаш мақсадида охириги йилларда уни янада кўркам ва обод қилиш, чинакам халқаро туризм марказига айлантириш бўйича кенг қўламли ишларни амалга оширмоқдамиз.

Янгидан қурилиб, бугун очилаётган “Буюк ипак йўли” маркази шу йўлдаги яна бир улкан қадам бўлди. Йилига 2 миллион туристга хизмат қиладиган бу кўп тармоқли марказ

таркибида “Боқий шаҳар” мажмуаси, Конгресс холл, 8 та замонавий меҳмонхона, амфитеатр ва кўплаб бошқа объектлар мавжуд.

Биз марказ лойиҳасини пухта ишлаб чиқиш учун тажрибали меъмор ва муҳандислардан иборат халқаро жамоани жалб этдик. Улар тайёрлаган лойиҳани миллий меъморчилик ва шахарсозлик тажрибамиз, иқлим шароитимиздан келиб чиқиб, қайта-қайта муҳокама қилдик ва такомиллаштирдик.

Бу улкан марказ ажодларимиз бунёд этган мухташам меъморий обидаларга муносиб бўлиб, уларнинг тарихий анъаналарини давом эттиради. Ушбу мажмуа мамлакатимизда ҳозирги пайтда пойдевори қурилиши бошланган Учинчи Ренессанс ва олдинги тарихий даврлар ўртасидаги рамзий кўприк бўлади, деб ишонаман.

Давоми 2-бетда. ▶



## “БУЮК ИПАК ЙЎЛИ” МАЖМУАСИ – ЎЗБЕКИСТОННИНГ ДУНЁГА КЕНГ ОЧИЛАЁТГАН ДАРВОЗАСИ

Ўзбекистон Республикаси Президенти Шавкат Мирзиёев “Буюк ипак йўли” халқаро туризм марказининг очилиш маросимида иштирок этиш учун 23 август кuni Самарқандга келди.

Марказдан ўрин олган “Боқий шаҳар” мажмуаси ҳовлисида самарқандлик нурунийлар, зиёлилар билан самимий суҳбат бўлди. Ушбу иншоотлар хайр-баракали бўлишини, бундай яхшиликлар кўпайишини тилаб, дуо қилинди.

Шундан сўнг “Буюк ипак йўли” халқаро туризм марказининг тантанали очилиш маросими бўлди.

Унда давлатимиз раҳбари нутқ сўзлаб, барчани ушбу қувончли воқеа билан табриклади.

– Халқимизнинг ақл-заковати ва фидокорона меҳнати билан бунёд этилган ушбу мажмуа Янги Ўзбекистонни барпо этиш йўлидаги яна бир салмоқли, зафарли натижа бўлди. Қадимий ва навқирон Самарқанд бағрида қад ростлаган мана шундай замонавий, улғувор меъморий мажмуа барчамизга, бутун халқимизга

муборак бўлсин, буюрсин, – деди Шавкат Мирзиёев.

Самарқанд – миллий давлатчилигимизга асос бўлган, тарихимиздаги иккала Ренессанс даврида ҳам муҳим ўрин тутган шаҳар. Шу боис сайёҳлар бу ерга асосан қадимий обидаларни кўриш учун келар эди. Туризмнинг бошқа йўналишлари учун замонавий мажмуалар йўқ эди.

2019 йилда Президент Шавкат Мирзиёев ташаббуси билан катта амбицияли лойиҳа бошланди – Самарқанд туманидаги эшак эшиш канали бўйида, 212 гектар майдонда улкан мажмуа қуришга киришилди. Аввало, тажрибали меъмор ва муҳандислардан иборат халқаро жамоа жалб этилиб, пухта лойиҳа ишлаб чиқилди. Давлатимиз раҳбари бу ерга бир неча марта келиб, қурилишни миллий меъморчилик анъаналаримиз ва одамларга қулайлик жиҳатидан такомиллаштириш бўйича тавсиялар берди. Бунёдкорлик ишларида малакали

қурувчиларимиз билан бирга Туркия, Буюк Британия, Италия каби давлатларнинг етук мутахассислари иштирок этди.

Шу тарихқа қисқа вақтда, пандемиядаги қийинчиликларга қарамай, ушбу улкан мажмуа қуриб битказилди.

Бу кўп тармоқли марказ таркибида 8 та замонавий меҳмонхона, Конгресс холл, “Боқий шаҳар” мажмуаси, амфитеатр ва кўплаб бошқа иншоотлар бор. У йилига 2 миллион туристга хизмат кўрсатиши мумкин.

– Бу улкан марказ буюк ажодларимиз бунёд этган мухташам меъморий обидаларга муносиб бўлиб, уларнинг тарихий анъаналарини давом эттиради. Ушбу мажмуа мамлакатимизда ҳозирги пайтда пойдевори қурилиши бошланган Учинчи Ренессанс ва олдинги тарихий даврлар ўртасидаги рамзий кўприк бўлади, деб ишонаман, – деди Президент.

Марказ “Буюк ипак йўли” деб номланганида чуқур маъно бор. Бу

ерда ўша даврга оид тарихий манзаралар акс эттирилган. Масалан, “Боқий шаҳар” мажмуаси безакларида қадимий Афросиёб деворларида сақланиб қолган Сўғд давлати ҳукмдорининг Корея, Хитой, Ҳиндистон ва бошқа мамлакатлар элчиларини қабул қилиш маросими тасвирларидан фойдаланилган.

Бу ерда қадимий бозор, мамлакатимизнинг барча ҳудудларига хос 40 та хунармандчилик устахонаси ташкил этилган. Унда усталар ёғоч ўймакорлиги, кулолчилик, заргарлик, гилам тўқиш каби жараёнларини сайёҳларга намойиш этади.

Ватанимиз мустақиллигининг ўттиз бир йиллик байрами арафасида Самарқанднинг “Буюк ипак йўли” мажмуасидан таралган наволар ва ёғдулар олис-олисларга етиб, мамлакатимизда катта байрам тантаналари бошланаётганидан садо берди.

Зиёдулло ЖОНИБЕКОВ,  
Ғолиб ҲАСАНОВ,  
ЎЗА мухбирлари













# «O'ZSUVA`MINOT»

## акциядорлик жамияти жамоаси



*юрт ободлиги, халқ фаровонлиги йўлида  
астойдил жон куйдириб меҳнат қилаётган  
халқимизни, соҳа ходимларини Ўзбекистон Республикаси  
Мустақиллигининг 31 йиллик байрами билан самимий  
муборакбод этади!*

*Ватанимиз равнақи йўлида амалга ошираётган эзгу  
ишларингизда омадлар тилайди!*

*Юртимиз тинч, Мустақиллигимиз абадий бўлсин!*



### ЭЪЛОН

#### «Кўйлик деҳқон бозори» АЖ акциядорлари диққатига!

«Кўйлик деҳқон бозори» АЖ Кузатув кенгаши 2022 йил 13 сентябрь куни соат 15:00 да акциядорларнинг навбатдан ташқари умумий йиғилиши ўтказилишини маълум қилади. Умумий йиғилиш жамият маъмурий биносида бўлиб ўтади. Манзил: 100080, Тошкент шаҳри, Бектемир тумани, Фарғона йўли кўчаси, бозор майдони. Эл.почта манзили: [info@kuylyuk-bozori.uz](mailto:info@kuylyuk-bozori.uz)

Умумий йиғилиш ўтказиш тўғрисида хабардор қилиш учун 2022 йил 22 август ҳолатига, умумий йиғилишда қатнашиш ҳуқуқига эга акциядорлар реестри 2022 йил 7 сентябрь ҳолатига тузилган.

Умумий йиғилиш кун тартиби:

1. Жамиятнинг Кузатув кенгаши таркибига ўзгартириш киритиш ва кенгаш таркибини қайтадан сайлаш.
2. Жамият уставига ўзгартириш ва қўшимчалар киритиш ҳамда янги тахрирда тасдиқлаш.
3. Жамиятнинг «Умумий йиғилиш ҳақида»ги низомига ўзгартириш ва қўшимчалар киритиш ҳамда янги тахрирда тасдиқлаш.
4. Жамиятнинг «Кузатув кенгаши ҳақида»ги низомига ўзгартириш ва қўшимчалар киритиш ҳамда янги тахрирда тасдиқлаш.
5. Жамиятнинг «Ижроия органи ҳақида»ги низомига ўзгартириш ва қўшимчалар киритиш ҳамда янги тахрирда тасдиқлаш.
6. Жамиятнинг ташкилий тузилмасига ўзгартириш киритиш ва қайта тасдиқлаш.
7. Жамиятнинг 2022 йилга мўлжалланган «Бизнес-режаси»га ҳамда «Даромадлар ва харажатлар сметаси режаси»га ўзгартириш киритиш ва қайта тасдиқлаш.

Акциядорлар умумий йиғилишга шахсини тасдиқловчи ҳужжат билан келишлари, юридик шахс вакиллари ишончнома билан келишлари шарт. Акциядорларни рўйхатга олиш 2022 йил 13 сентябрь соат 14:00 дан бошланади. Маълумот учун телефонлар: (71) 295-94-36.

Сергели туманидаги Сергели политехника касб-хунар коллежи томонидан 2018 йилда Зоҳиров Зафаржон Зокир ўғлига берилган К №5316151 рақамли диплом иловаси йўқолгани сабабли  
**БЕКОР ҚИЛИНАДИ.**

## «ХОРАЗМАВТОТЕХХИЗМАТ» МЧЖ жамоаси

*Ўзбекистон халқини ва  
соҳа ходимларини қутлуғ  
сана — мамлакатимиз  
Мустақиллигининг  
31 йиллиги билан  
қутлайди.  
Она Ватанимиз  
Мустақиллигини  
мустаҳкамлашдек эзгу  
ишларингизда улкан  
зафарлар тилайди.*





## САМАРҚАНД “DORI-DARMON” акциядорлик жамияти жамоаси




юртдошларимизни ҳамда “Дори-дармон”  
ва соғлиқни сақлаш соҳаларида фаолият олиб  
бораётган ходимларни мамлакатимиз  
Мустақиллигининг 31 йиллиги билан

самимий муборакбод этади!

Юртдошларимизнинг саломатлигини сақлашдек  
энг эзгу, савобли ва хайрли ишларингизда омад  
ва зафарлар тилайди!

Жонажон Ўзбекистонимиз тинч,  
осмонимиз мусаффо бўлсин!



Хоразм вилояти

## «ULKAN DIOR QURILISH SERVIS» МЧЖ жамоаси



серқуёш диёримиз аҳлини энг улуг,  
энг азиз байрам билан қутлайди.

Юртимиз ҳамиша тинч бўлсин.

Қалбларимизни ҳеч қачон шукроналик  
тарк этмасин!



МУАССИС:

**O'zbekiston ovozi**

Бosh муharrir: То'лиқин ТО'РАХОНОВ

МАНЗИЛИМИЗ: 100135, Toshkent, Bunyodkor shoh ko'chasi, 50 «А»-уй.

Телефонлар: (71) 276-10-91, (71) 276-20-67.

E-mail: uzbovozi@mail.ru

«Sharq» nashriyot-matbaa aksiyadorlik kompaniyasi  
boshxonasida chop etildi.  
Korxonа manzili: Buyuk Turon ko'chasi, 41-uy.  
Gazeta ofset usulida, А-2 formatida bosildi. Hajmi — 4 bosma taboq.

Gazeta O'zbekiston Matbuot va axborot agentligida  
0006-raqam bilan 2007-yil 11-yanvarda ro'yxatga olingan.

Navbatchi: Ravshan SHODIYEV  
Sahifalovchi: Bekzod ABDUNAZAROV

Г — 841. 1850 nusxada bosildi. O'zA yakuni —  
Nashr ko'rsatkichi — 220. Topshirilgan vaqti — 02:10  
t — Tijorat materiallari 1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.



O'ZBEKISTON  
XALQ DEMOKRATIK  
PARTIYASI  
MARKAZIY KENGASHI

ТАХРИР НАЙ'АТИ:

Ulug'bek INOYATOV

Ulug'bek VAFOYEV

Maqsuda VORISOVA

Qalandar ABDURAHMONOV

Guliston ANNAQILICHEVA

Muslihidin MUHIDDINOV

Hayotxon ORTIQBOYEVA

Shuhrat ISLOMOV

Tohstemir XUDOYQULOV